



三星圓二集

開場

徵夢

經商

認匪

放熊

縱虎

畏譴

懺詩

開闢

教女

詢姑

竊蓮

驚寐

噬克

躲園

下山

長安鄭
振錄西
請子書

解籤

嚙淫

售貨

別家

擬酬

交簿

卻贈

還簡

攜妾

販元

咎妻

開場

末上

引半生入世盡迷途。太息人間似轉輪。孽海情波千丈險。不教彼岸浸浮屠。

邁陂塘看張炳忠心為主。經商身往南楚。說書行內逢天報。認作他鄉遇故。才無顧。到門外閒看。又買熊和虎。放他山塢。那白石二人。情甘效用。相伴來陳府。喜售貨。十倍贏餘可數。秀蓮酬謝勤苦。只因不肯同衾宿。私約情郎奔赴。他忿怒。便挂劍。

孤身赶上江南路。躲避無處。奈奪過青鋒。回傷一
臂。暈到在紅樹。歸自謠。幸有虎嚙死。奸人來救護。
菜園道士留春住。刀繩備下好謀慮。那淫女神熊
驟把心肝取。尾聲留得殘生無意趣。從茲張炳歸
梵宇。且看三星圓佛殿團圓第二書。

下

徵夢

武扮張炳上

商調引子高陽臺院落沉沉。簾幃寂寂。春風幾度飄
搖。曳弄花心。剛逢月上林梢。仙郎仙女瑤宮會。破題
兒還在這朝。問今宵好否。瓊漿。悔不該久阻藍橋。

漁歌子 隔斷湘雲意未投。勸君且到醉鄉遊。三杯
後。萬事休。好將蕭史送秦樓。與人張炳恐姑爺此
番回來有慚學問。仍攻苦於書齋。不遂功名難和
諧。於香閣因備筵以解其愁。設令以投所好。見他

面上酒容已有三分喜色。繼以房中勝會。好和一夜春情。爲此那夜。婉言相勸。叫秀蓮姐扶他入房。正是不爲老羌思解渴。要將酒底與君歡。丑提酒上。張相公請用夜膳。武喜介。呵呵。今晚閒暇無事。正好開懷暢飲。院子取大盃過來。待我自斟自酌。你去罷。丑下。武小姐是旱日之苗。未經時雨。姑爺是深山之木。不被和風。近日同房和會。初度交歡。我想二人呵。

商調過曲集賢賓。簾櫳月淡香未消。把錦字同挑。到

漏盡五更餘韻繞。交枕兒夢暖春宵。俺這俚寸心方了。趁此候風清月妙。暢懷抱。酣飲千盃還少。

旦丑作旦副扮院子上。旦紛紛頭緒事多岐。丑結賬方知不可欺。作旦。我想主翁因酒後。副溫柔鄉裏。夢魂飛見介。合。張相公。我們都來交賬。武。今晚風清月白。爽氣逼人。盃酒在手。好暢胸襟。一切賬目。且待明日算罷。丑。張相公。我唱隻曲兒。爲你下酒如何。武。極妙。正要請教。旦唱介。
一封書窗前月影籠。玉牀寒錦帳空。冤家吓你這

段奇緣不易逢。莫粧啞。休做聾。快把奴六幅湘裙寬解也。倒去顛來繡被中。噲狂蜂。效狂蜂。儘著你採到花心點點紅。

武唱得好。我還要飲幾盃。丑唱介

前腔窗前月影穿。興更狂。意尤顛。冤家吓。奴今番相思病轉添。好風光。不留連。怎能勾暮暮朝朝同。夢也。夢到陽臺一處眠。說可憐。聽可憐。奴自想這段風流已幾年。

武唱得有趣。我便再飲一盃。作旦唱介

前腔窗前月影移。一聲聲。五更雞。冤家吓。怎教奴

孤回獨自棲。暗蕭蕭。轉樓西。還怕那繡戶風開人

覺也。打散鴛鴦兩處飛。幸佳期。悵佳期。何時得明

解香羅笑脫衣。

武實在有趣。我如今要大盃飲了。副唱介

前腔窗前月影昏。撒秦樓。散楚雲。冤家吓。奴好似

癡情倩女魂。訂山盟。意溫存。便屈做偏房情愿也。

只要你十夜風流。五夜輪。叮郎君。囑郎君。千萬記

雨露深。恩到處。勻。

武妙極妙極。我也有些酒興。要和你們一曲。丑副
倒要請教張相公妙音哉。武出位唱介。場上預設
牀帳。

前腔。窗前月影沉。別郎君。淚珠淋。冤家吓。休教奴

哀聽柳葉吟。一夜情。百夜深。須想著三生緣定也。

切莫似半路拋人。斷玉簪。怕只怕妾有心。郎有心。

未必郎心是妾心。

作醉介。噯。我已酒湧胸膛。不能主持了。

鶯啼序。醉來真似眠酒槽。把心事重撓。記當初午夜

涼宵。琴心兒。別院胡挑。戀桃李。春風一笑。經電目。神

光四照。終有報。恨孽賬無從勾了。

作吐介。丑副張相公。今已大醉。不免扶他去睡便

了。扶入牀介。一曲陽春能下酒。醉來還向夢中歌。

同下。內起更介。淨扮夢神。雜扮二童男。二童女。執

金花銀花元寶上。

梧葉兒。淨看人世樂逍遙。又看人世怨寂寥。吉凶禍

福自有。暗中顛倒。真是百歲光陰。都做一場春夢縹

緲。

爲成郭況金銀穴，特向南柯指點明。我乃華胥國
夢神是也。今有秀才張炳，應爲主人陳祖功，趨銀
三十餘萬，故特前來賜夢。行介：你看他醉睡正濃，
衆弟子衆尊神淨：你們隱隱指示，淨提鏡引武出
帳看介：春夢如雲散，隨風到處颺。有緣偏作兆，好
待上荆襄。

八寶粧雲騰北海，蛟霧起南山。豹運合時逢，不容株
林老。你此去荆襄路遙，經營不少。爲主一點忠心操，
收伏英雄，還憐惡少。貨歸有利十分饒。衆穿行後塲。

細吹介：衆又唱：何物酬勞一箇妖嬈，半天禍下傾城。
笑看追逐淫狐，熊虎報回頭。是岸頓把俗塵消，有緣
俱了。證果後留名佐聖朝。

武仍入帳中淨：兩間事緒皆前定，流水無踪泡影
浮。同衆下武叫介：你漫去，盡將金銀財物留下。出
帳看介：呀！只見窗外霜鋪碧瓦，露濕蒼苔。星光燦
燦，月色溶溶。緣來是一場大夢。

五圍花事兒真蹊蹺。分明見那人捧金銀花亂搖。話

兒隱隱如相告，聽也縱難分曉。還記得依稀大要，似

教我遠奔襄郢道。爲商賈。定能獲利饒。這難道。魂夢自顛倒。

噯。如果經營出外。可獲重資。我就借一夢兆。以報主恩。

尾聲果得爲商獲利饒。寸心畧把東人報。怎怕那千里風霜客路遙。

下

評曰。祖功之贈妾。張炳之成真。放熊虎。收白石。俱從經商而來。先於夢中一一指明。亦是文章總提

之法。

聽得新歌醉欲眠。

頻般禍福夢神傳。

張君此後身家事。

開闢華胥別有天。

經商

生扮祖功上

雙調引子真珠簾。繡窗風起，簾波映。人聲靜。看裊裊
金爐烟冷。雙袖照銀燈一對。香肩並。才子佳人真倏
倏。算總是姍緣分定。悔從前寂寂淒淒。挨許多孤另。
不解前宵興太濃。常將香霧繞花容。曉看數點茵
和。被誰把胭脂染卻紅。身人陳祖功。自那日回家。
蒙張兄備筵相勸。設令交歡。始因朋友之忠言。得
有夫妻之樂事。數日以來。真如水上鴛鴦戲。處無

忘交頸夢中蝴蝶醒來猶自戀花也

雙調過曲書錦堂看連理花枝相並草木無知猶似

多情怎教我女貌郎才分照那窗前月影醒醒從此

紅樓新入夢眼前不數神仙境無窮興總虧那指點

吹簫纔得把風流趣領

我悔當年與那前妻高氏呵

玉包肚花移香影一重重闌干月明他那俚燕金荷

空守黃昏我這聽玉漏自挑寒檠漫道是嫵緣石

上定三生未得箇恩愛牀前話五更前腔嚶他繡幃

孤冷怎不教淚潸潸雙眸暗傾總因我松柏無心害

得他蕙蘭多病如今是墳前宿草已青青誰為我返

得香魂好補情

武上仙人已授鈞天夢估客應臨驛馬星進見介

生張兄此來有何見諭武弟昨夜呵

鎖南枝三更後月正明昏昏醉眠人未醒恍然走出

前庭一片神光映見幾箇提金花燦若星幾箇捧銀

花亮如鏡僥僥令悠悠言可聽似教我為客到襄荆

自有紛紛金銀趁因此兒弟欲去經商將夢憑

三星圖 一集上 經商
這箇夢兒甚屬奇異。我想惟藥行中有金銀花，或指引屯買，亦未可知。姑爺何不發銀三萬，待弟去到襄荆，廣收此貨。生張兄，你雖有夢兆，尚未可憑。況弟家目前呵。

孝順歌籌匱乏。計豐盈。諸般事兒盡仗兄。怎好往襄荆。迢迢隔鄉井。孤帆遠行。況且那江上風高。江中露冷。你怯怯書生。何曾把辛苦慣經。

武姑爺因途路風霜，爲弟顧慮，足見關切，非輕。只是弟蒙姑爺呵。

前腔。心推赤眼分青時。愁素餐報未曾。今向楚中行。何愁客風勁。江濤不驚。若說那家事繁冗。倩人照應。弟暫別無多。無庸再四留行。

生兄既然要往，未知何日起程。武弟收拾行囊，便可登程。生既如此，弟當餞行。武多謝姑爺。生院子擺酒，雜上擺酒下飲介。

風送嬌音風入松。生而今話別出江城。客途裏隻身單影。只今日一盃魯酒，尊前敬惜奴姣。餞行裝增風景。少表主人情。到來朝祇見鶴渚汀。

弟與兄數載盤桓相違一夕已似三秋還祈早早
回來以慰懸念

前腔風入松武

弟

常憂無處報深情從今後夕陽孤

艇一番秋水烟霞興惜奴姣願恩人休記省此去楚

江行路迢迢祇怕難約歸程

柳搖金合盃盤狼籍肴殘酒傾兩地訴衷情不覺斜

陽暝離歌誰忍聽遙遙楚郢想會更何能除非是夢

裏談心燈前呼影人還未去預問歸程預問歸程歸

期無定

武弟還要到舍料理一二恕不面辭了生兄既從

尊府起身弟也不及遠送武原屬不當我今擬向

滕王閣好借江風助客船下生嚶張兄忠誠世所

罕有此去未知幾時可回

尾文意良友上雲程知他不是宦遊情我未曾唱徹

陽關令夢裏還應賦別情

下

評曰祖功追悔從前不但補寫高氏可以起夢中

警覺之情且見今日與蘭英之好十分真切張

三皇圖
二集
炳心事全爲祖功夫。夫婦好而心事了。故此劇
經商而去。另起頭緒。

勤成嘉耦費心機。

使悔前妻會面稀。

自此身爲估客去。

好歌郢曲弔江妃。

丑扮應天報。醜帽直身上。

認匪

搶板鷓鴣天。世上風流算到吾。勾欄院裏做工夫。
家財敗盡身漂蕩。終是行爲不改初。嫖既發。賭又
輸。沒錢使用苦何如。要將商賈多方騙。揮掃喉嚨。
說大書。區區非別。應天報便是。本係浙江石門縣
人氏。父母雙亡。田產蕩盡。又將房屋賣銀千兩。來
到襄陽。一時嫖賭光了。別無生涯。可以度日。幸喜
自小學得一副本事。會說三皇五帝一切秦漢以

三星圓
二集上
下等書所以還好吃酒宿娼這也不在話下近日
沒有銀錢使用且向幾片大行走走有些生意亦
未可知有理搶板玉交枝我向前竟走今朝衣食
且無憂行中自有客人攬說一回肚裏春秋保得
錢財弗用求歸來好買幾壺酒還要往青樓敘舊
還要弄花娘到手

下雜扮梢公末扮院子隨武乘船上

雙調引子風入松慢一番漂泊浪中天望去水漫漫
我輕舟已過山千疊只聽得數聲腸斷隔江猿來此

估帆何處夢魂見不是家園

估客經營來此地從今能唱大江東與人奉主翁
之命置買藥材一路而來殊覺旅況情形不比家
中安逸了但回想身往徽州訪尋趙年伯時資斧
全無飢寒遍歷若非郭大人垂憐救我早爲路上
之餓殍今日風帆浪舶喜多梢子安排茶竈酒鋪
幸有厮兒整治較之當年大是不同了你看前面
已是荆楚地界黃鶴樓高舊吹仙人之笛白鸚賦
罷空留名士之洲叫向衡陽渡去雁寫人人吹從

過客舟來楓飄葉葉一派江景真好憑弔也

仙呂入雙調過曲江兒水雪浪來三島銀河落九天

試將吳楚與圖看何處是流分白羽吳公扇何處是

火燒赤壁周郎戰終一片烟雲目斷滾滾長江幾道

無涯無限川撥棹纔見岸我雙眸望得穿不覺舟快

如弩箭離絃舟快如弩箭離絃一霎兒城當眼前我

非是漢張騫也似乘槎來月邊

末相公來此已是樊城馬頭了武既然到此即將

船兒停泊上岸介末雜下武槐市花街道路長塵

門次第盡開張你看懸牌顯寫金珠字滿室咸聞

草木香前面是高隆昌藥行了聞他交易真實無

欺不免進去外白鬚扮行主上行內客人常不絕

三分中用何勞說見介武動問老丈貴表外小弟

高有信便是請問客人貴府仙鄉尊姓大名來到

小行要買什麼貨物武弟係浙省人氏姓張名炳

來到寶行要置買些金銀花外緣來是張客人這

金銀花要屯多少武要屯本銀三萬外背介倒是

一位大客人小廝們快去搬了行李即定名班來

與張客人接風。內應介府憲因有諱忌，禁止唱戲。
外既如此，且叫應天報到來說書便了。雜攜酒上。
外魯酒一壺，聊洗行裝。武旅客匆匆，何勞盛設。坐
飲介丑執扇上。沿街本要尋生意，來請應知出手
多。見介外應先生，我今日備酒為張客人接風。你
將出色的大書說來。丑曉得，側坐用醒子說書。介
三皇五帝以下，秦漢之書，你們俱已聽過。我今說
一段前朝的新書，不是別箇，就是隋煬帝開亂江
州的故事。先將數句提綱表明，有道紛爭，南北帝

王家四海干戈亂若麻，幸得圖輿歸一統，風流天
子喜繁華。烟花百里維揚地，造起龍舟富麗誇。極
欲窮奢刑又酷，從教處處奏悲笳。話說那隋文帝
楊堅平定天下，一統山河。那太子楊廣本是一箇
弑父殺兄的賊子，登了大寶，是為煬帝。聽了江總
裴蘊封德彝等一班小人曲意粉飾太平，剪絲為
花粧點出許多春色，使他侈心一動，就做出幾樁
描畫不盡的樂事來了。只因一時天下太平，巡幸
江南，見那一箇揚州，是風景華麗，人物雅秀的地

方就差江南總管陳稜僕射楊義臣將軍麥鉄杖等造了一箇大大的行宮，週迴數百里，中間起了三箇神山，第一箇名蓬萊，第二箇名方丈，第三箇名員嶠，山旁蓋起百餘座宮殿樓閣，十分壯麗。水陸可通，使那蕭皇后居蓬萊宮，管領張貴嬪沈貴嬪等數百宮人；使那陳夫人居方丈宮，管領薛麗華趙麗華等數百宮人；使那宇文貴妃居員嶠宮，管領阮婕妤范婕妤等數百宮人。那班宮人箇箇是絕好的打扮，但見黑沉沉挽了烏雲髻，明晃晃

戴了白玉釵，嫩葱葱串了黃金釧，紅飄飄著了杏花衫，青藹藹繫了柳絲裙。三千粉黛體輕盈，舞罷霓裳酒令行。醉倒花間春入夢，無愁天子最關情。那時煬帝與一班妃嬪飲酒吟詩，自謂身在仙境，恍與月裏嫦娥、巫山神女相爲酬酢一般，好不快活人也。又把江都之水作爲瀛洲，環繞三箇神山，命將作大匠來護兒張須陀，征集民夫十萬，造大數百隻龍舟，飄下一條旨意，要採民間美女子、美男子，一箇箇相間，在水操舟，在岸扯牽。那楊素

老權臣見天顏無以爲歡，又要十分逢迎，取腰間所佩的龍泉寶劍，把牽兒忽然割斷。那班男女，俱亂紛紛跌倒在地，疊重重依著在身，只見那女子在男子身上的好，好如嬌鶯宛轉，柳梢頭男子在女子身上的好，好如狂蜂顛倒，杏花心。又見那倒翻在下的女子，露出胸前詞子，雙乳簇簇高如菱角，紅初綻，拽起腰間褲子，兩腿彎彎嫩如新藕，白無瑕。煬帝見之，呵呵大笑，喝采道：自古帝王，怎有孤家今日的樂趣，未幾那垂柳亭畔，遠遠望見幾箇探

事的太監倉忙前來，伏在船邊報道：啟萬歲爺，不好了。那班蕭銑、林士宏、輔元、祐、劉元進，一夥羣盜，率領精銳十二萬，紅旗紅甲，氣炎炎殺向南方來了。那班羅藝、竇建德、王須拔、梁師都，一夥羣盜，率領梟勇十四萬，黑旗黑甲，勢凶凶殺向北方來了。又聞得山東一路，那李密、翟讓、高士達、徐圓朗，一班好漢，青旗青甲，雄赳赳殺向前來。東方官兵不能阻當了，潼關一路，那薛舉、李軌、劉武周、沈法興，一班勇士，白旗白甲，烈轟轟殺將前來。西方官兵

不能抵敵了。還有那大盜李子通率領僂儻十萬黃旗黃甲耀武揚威現圍住東城密紮紮水陸不通甚是危急。看來萬歲爺一箇帝位有些難保了。請速下聖旨裁酌。煬帝聞了這箇消息拍案大驚道。有這等事來。吓吓吓。可惱可惱。急索一面盤龍鏡子顧影自照。說一好頭頸誰當砍。此列位啣聽這句不祥的話兒。怪他何爲而出。那俚知道樂極生悲。他已不覺聲淚俱下了。可憐那好好揚州做了一箇戰場。那些妃嬪媵嬙與一班助役的女子。

霎時兒烟飛雲散玉埋香消。或死或奔這也不消說他了。後人有幾句俚言爲煬帝寫照云。鶯花明月好揚州。天子盤桓不解愁。萬里江山置度外。但借妃子鬧龍舟。李花榮處楊花落。堪笑君王鏡裏頭。今日隋堤尋勝蹟。夕陽影裏水悠悠。要知煬帝被何人所弑。且聽下回分解。院子暗上武聽這段大書勝讀隋史本紀。只是你先生聲音不像這俚人氏。丑大客人小子乃浙江石門縣人。姓應名天報武。你既是石門應姓。可曉得應懷德麼。丑這是

小子的父親武阿訥如此說來你就是我的內姪了。丑背介且住我家原有一位張炳姑爹久不往來故不認識轉介客人你可是我張炳姑爹麼武正是丑拜介武我聞你出外經營爲何落了此業丑不瞞姑爹說姪兒幼小無知不聽父母訓飭把家私盡行敗去只得將房屋變賣出外經營以圖恢復基業不料銀子又被強人中途劫去因而流落在此還望姑爹看我先人一面提挈姪兒則箇武你既肯改過院子取銀五十兩過來我與你作

本倘有得意須念父母墳墓在家無人拜掃好生回去纔是院子付銀介丑多謝姑爹姪兒告辭了我今銀子全因湯帝得看花也要鬧揚州下武他能悔過還堪取贈與銀錢好自謀外曖只怕性情終不改銀錢花費在青樓

同下

評曰認親贈銀不是但爲竊蓮伏禍胎正見張炳待人之厚異日應天報忘恩負義難免虎口一篇大書亦似史家實錄不當作隋唐小說觀

一回聽罷大書新。
好說烟花隋煬帝。

鄉貫相通認內親。
寧知便是負情人。

放熊

淨黃臉武巾上

正宮引子。燕歸梁。浩氣冲天貫白虹。無箇地住英雄。
綠林回首早成空。問事業。反靠人熊。

俺乃山西白飛鳶是也。幼年膂力剛強。性情兇猛。
劫財邨內。鄉民見而心寒。落草山中。郡守聞而膽
碎。誰知衆無紀律。漸擒獲於官兵。俺少扶持。亦逃
奔於荒徼。經過萬松嶺畔。打倒人熊。潛歸十字街
頭。造成鐵籠。置在往來之處。覓他觀看之錢。獸既

能馴人多不吝藉此營生度日倒也無憂

正宮過曲玉芙蓉深山猛獸逢力比犀牛勇卻被俺

三拳兩足擒來不動門前好作猴兒弄肯使他猩猩

血染紅鐵欄內豕羊飼奉朝朝把看資收來殼作東

為此數月前來到樊城地方貫了寓所他們來看

者挨挨擠擠何等熱鬧

朱奴兒犯踏遍了平堤草濃挨損了古廟牆紅直喧

到襄江大市東只聽得聲若雷闕這廂兒眼對人熊

那廂兒手取囊中頃刻把銀錢堆滿籠似這樣無本

的生涯第一種

下外上客來常作主貨到不愁貧老漢高有信自

開藥行以來世代無欺故此客商向我貿易者絡

繹不絕近聞有一大漢用鐵籠籠著人熊有人看

他要錢數十文我想如此猛獸亦屬罕見不免請

張客人同去一觀請介武上江上乘帆遊目暢行

中煮茗悶懷多老丈見呼何事外聞得有一人熊

被大漢籠住來此故請客人同去觀看武如此甚

好

三星圖
前腔合早把那銀囊檢封。纔烹罷茶鼎烟濃。正日淡
雲飛起午風。好趁步遣消繁冗。你看那壁廂士女喧
叢。一聲聲喝采呼紅。共圍著園門看鐵籠。我願把纏
頭分外重。

淨上但使人人肯破鈔。猩猩能語解迎人。相公可
是來看的麼。外正是你要錢多少。淨每人要錢五
十文。一看武這也不多。外付錢介。淨兄弟們將鐵
籠扛放在外。雜扛熊上。淨請相公觀看武呀。

小普天樂

你看

碧眼開光芒。動翠尾搖毛髮聳。

昔日

英威勢英威勢。變做泣雨悲風。縱無由出得牢籠。背
介啊想人生似夢。朝歡夕不同。何如積些陰功。買此
物仍放山中。

轉介我欲出銀百兩買這人熊。未識壯士肯否。淨
相公要他何用。武我憐他無罪見囚。因欲買去放
生。淨不瞞相公說。俺要借此度口。若是放他。何以
營生。外客人既有好心。買放人熊。何不收這漢子
在手下効用。武這也使得。但未知壯士意下如何。
淨背介俺想此熊拘囚多時。設若死於籠中。如何

是好今日客官肯出重價買放必定財豐德厚投
他門下聽差倒是久長之計向武介相公既肯收
留那有不遵台命武外好

前腔氣方投鬚眉動義相關邱山重看君回心處回

心處斷的不愧英雄大丈夫別有程工及早把人熊

放縱胸襟一洗空穩去尋業圖功思占箇萬里扶風

武動問壯士姓甚名誰何方人氏淨俺乃山西一

武夫白飛鳶武向外介老丈我既買此熊未知何

地可以放他

長生道引柳市花街難留這猛獸行踪江上風高波

浪湧又非是野物能通那禾鋪平野麥腴高隴綠茵

濃又恐恣長蹄害妨苗種必須是重巖峭壁林石擁

深幽處無人行動一任他追逐烟雲遨遊山洞好與

豺狼伍虎豹同

外客人不必過慮此去新野縣有一博望山雲日

陰翳盡是長林豐草遊行絕跡無非猛獸珍禽若

叫壯士同去放他甚屬相宜武正所謂解鈴還是

繫鈴人也

白練序外。崗巒嶒嶒。走獸飛禽千百種。看來往成羣。
打巢穿洞。幽陰幾岸通。此熊呵好。放向深山萬木叢。
欣壯士一同前去。手自開甕。

武說得有理

滿江紅。急合能擒。能縱。氣概昂昂。丈夫雄。這熊呵特
憐他無罪遭囚。受盡磨弄。今日陡將鐵檻鬆。放入深
山。樂不窮。奮身踴。好如那。鸚鵡離樊。鵬鷹脫籠。犯淨
絕處喜生逢。宛似前萬松嶺上。時時出沒深叢。外若
不是恩人放送。怎。能向翠嶂潛形。青山入夢。

同下雜扛籠隨下

評曰。買放人熊。寫他仁及於物。為異日取秀蓮之
心伏脈也。報應昭然。人物一理。後劇之縱虎。亦復
如是。

物中解語是神熊。

多謝恩人放出籠。

新野有山巢穴穩。

為君移去到清風。

縱虎

末扮勇士上

南昌引子滿江紅空抱冲霄豪俠氣功名何有猛思
著前行往事幾回追咎一棒鑼聲催白日三盃甘醴
消清晝怎得英雄有日可飛騰洗前垢

武藝何慚與霸比姓名還恥彥方知俺乃湖北勇
士石有光是也身似武弁性同俠客所好盃中之
酒不憐竈下之妻誰想這賤人與人野合敗我門
風俺殺卻奸夫淫婦逃到杭城做了梁上君子縱

入陳祖功府內見一金甲神護持廩室守衛銀房
因思財帛難求穿窬不富羞為黠鼠之偷好比鷲
虫之搏賣拳街市餬口江湖今到襄陽地面另有
一番風景也

南呂過曲一江風這是九江流四面濤聲陡一片波
紋皺上層臺只見蘆岸飛鴻柳港眠鷗點點烟雲逗
風光不與別處侔呀行來古渡頭又一帶青山秀

看前面崇崗峻嶺飛泉界道而來茂樹叢林野獸
穿雲而過風起介霎時一陣狂風吹得毛髮悚然

番竹馬一段風聲來驟飛石揚砂刮面颼颼看深林

古道間冷蕭蕭無箇人兒行走虎叫介呀猛聽得

虎如雷吼應巖谷震山邱任他氣勢雄趕只怕我馮

婦相逢不容嶋自負笑世人蹈尾不勝憂看俺揎雙

袖搏虎如牛這空拳赤足生擒那戾物方休

虎上末打虎介虎逃下末追下武外淨雜扛熊籠

上

東甌令武外淨合楓林晚桂花秋目斷深山處處愁

遙看那峻嶺雲封岫想就是博望山前後若有五陵

年少獵山頭。請把箭彈收。

〔外〕來此已是博望山了。

梁州小序。你看山川掩映。叢林深茂。處處烟巖雲竇。

這便是豫山南面。當年諸葛施謀。只見松門蘸碧石。

磴蟠青。顯得峰巒秀。通繞著長江一帶也。更深幽。彼

十萬曹兵。勢合休。〔手指介〕那邊千嶂疊。三峰陡。是猿

巢鹿洞。狐狸藪。擡向去。好放熊獸。

〔武〕壯士。你到安林坡下。好生將人熊放出。我們就

在巖上觀看。〔外〕武立桌上介。淨曉得。

大勝樂。信步來。北山甌。只聽得瀑飛泉。兩道流。林深

地僻無人走。正好狼作伴。虎為儔。還有那木石同居。

麋鹿友。〔住籠介〕你們快去。待俺來放他。〔雜下〕淨放熊

出。熊與淨鬪。淨下。熊追下。〔外〕武。你看人熊一出。籬籠

就與壯士相鬪。野性未除。好生怕人也。一出籬籠掉

轉頭便與主人鬪也。斷的是野心未退。野氣依舊。

〔熊追淨上〕淨提籠打介。熊畏籠逃下。淨亦下。〔外〕你

看壯士若無智勇。幾難脫身了。

大研鼓。全緣智力伴。人非後勁。計占先籌。不是他伸

三星圖 二集上
出拏雲手。客官哪。你今番恩義兩休休。方見得縛虎非難。縱虎憂。

丙喊畜生往那裡走。武外呀。遠望那邊有一人逐虎來了。虎上與末鬪介。末追虎下。武虎見那人無處奔逃。真英雄也。

恨蕭郎。這不是黃公東海叟。施幻術。獸誦金刀咒。這不是白額南山獸。遇著箇將軍。又姓周。為甚的喝聲如獅子山前吼。驚寒虎膽。低下虎頭。

末追虎上手。扼虎脛。打介。武勇士聽者。虎不噬你。

你何苦害他性命。末俺要傷其命而取其利。武你若要取利。我便出銀五十兩。與你買放。末客官既然買放。俺就饒這畜生去罷。虎下。武外暗下。

前腔末可笑他山君名。枉負遇著俺全沒。些威風。抖若不是尊客來相救。我摧去斑皮典酒樓。准沽那竹葉千杯酒。朝也醉休。暮也醉休。

阿喲。那邊又有人熊來了。熊上與末鬪介。熊逃下。末追下。淨上。仁心一片。思全物孽畜。無知反噬人。今奉張客官之命。將人熊放生。不料這畜生一出。

籠外就與俺相鬪。若非俺勇力過人，幾被他喪了。解連環一脫樊囚，野性見尚然如舊。不是俺提鐵籠精神抖擻先下手。他儘著憨凶來相鬪，便教俺欲休難休。

丙虎叫：你看寨內有一猛虎，不免前去打死了他。淨下虎上，淨追上打介。熊上，末追上擒介。淨：驢漢子，這熊乃是放生的，不可喪他。末：醜漢，這虎是俺放生的，也不可喪他。淨：末，各放熊虎下。淨：你這漢子，擅自叫俺醜漢，是何禮也。末：叫你醜漢，何妨。淨：

如此無禮，敢與俺交手麼。末：俺何懼哉。末與淨對打介。

搗白練末：俺烈轟轟，雄赳赳，怎樣人同吾對手。定然要擊他狼背，拔他牛角，碎他驢頭。

淨：俺不知會過多少豪傑，希罕你這樣無名小子。淨與末打介。

前腔淨：俺氣冲天，光射斗，要多少英雄束手。豈怕你無名狗卒，麼麼雞肋些兒猴頭。

對打介。武內叫：二位壯士，切弗動手，我來也。武外：

上武驚看虎士交相鬪外前去纓冠救莫遲淨末
住手介武向末介請問勇士尊姓大名爲何來此
打虎末俺姓石名有光湖北人氏路過此山遇虎
而打未知客官爲何來此荒山武只爲放熊而來
末緣來如此請問客官高姓武弟是浙江張炳末
莫非在陳府的張相公麼武然也末尊名久慕外
張客人何不再將勇士收在門下効用武老丈此
事卻也甚好未知他意下如何末客官若肯收用
就教俺執鞭隨鐙也是甘心外好

大呀鼓片言便轉頭英雄氣象不與人猶你二人呵
好結同心友人生到處可相投寶劍豐城當並收
春色滿皇州合酒泛黃花候看來朝共賞江城陽九
想是前生簿註成同氣相求爲虎熊縱放到山頭相
逢盡良朋義友一如膠投漆受從今後休教海變山
移齒終隙後

同下

評曰放熊收白飛鳶縱虎收石有光竟似對偶文
字而錯綜變化妙在體不合掌應天報能說大

書腹中藏幾箇蠹魚。白爲綠林中人。石爲梁上君子。其義俠正與相反。世有其人。吾亦將延爲上客。
雨霽青山吐瑞雲。山間有物使安羣。
後來紅樹江南嶺。未識相逢是此君。

畏謹

且元服上

仙呂引子望遠行斜陽盼斷繡陌飛花陣陣。古道探來野水平川隱隱。過了佳節清明。又是今年春盡。爲甚的行人無信。

良人遠客到襄荆。夢想歸帆未有程。今日南屏山上石。淒涼也有望夫名。妾身應氏喜得丈夫張炳。十分恩愛冀缺有妻。耕耘相饁鮑宣與婦并。曰同操只是腹有詩書家無產業。蒙郭兵部之吹噓。受

陳姑爺之信任。去歲經營。曾聞到楚。此時行旅。未見回家。不免叫孩兒繼良。同了乳母。到杭城探聽消息。我兒那裡。作旦扮繼良。上殖貨未嫻。倚頓術。問經已識子雲亭。見介旦。你爹爹出外歲餘。並無音信。叫你去到陳姑爺家。親爲探問。作旦孩兒曉得。旦乳母快來。老旦扮乳母上。到處奶娘隨伴走。乳頭安靜。腳頭忙。大娘叫我何事。旦我今著孩兒到杭城。探問官人消息。煩媽媽一同前去。

仙呂過曲。月雲高。攤破月兒高。買舟前進。鼓棹趁風。

順。你一到杭城內。把行踪便訊。他若是回來呵。好勸

他歸省家門。免教我望愁悶。他若是未來呵。

須速整

行裝返。早遞家中信。渡江雲。休戀著西子湖邊楊柳。

春蘇小。門前拾翠人。

分下武執鞭上。春光不減年前好。開滿桃花白。傳堤鼻人。去年曾到荆襄。屯足了金銀花。今日回來。已著白石二士。押運貨船。我不免先自進城。

望吾鄉。花雨繽紛。聯翩景色新。看花繡陌。人如陣。花梢燕子。啣香去。偏不寄歸來。信遙指著門牆近。頓自

揮鞭緊。

院子暗上接鞭介張相公回來了待小的請大爺出來相見請介生上望斷賓鴻雲外影歸來應帶楚天青見介武姑爺在府可好麼生弟倒也託賴只是與兄一別歲餘不勝懸念武草芥微軀何庸姑爺掛心弟去年往荆襄呵

長拍淼淼長江淼淼長江重重楚水千里帆輕櫓緊征途雨雪客舍風霜般般是磨礪精神並不知艱辛不意有內親流落客途相認更有萍踪聯俠氣二勇

士不猶人願在門墻聽命嘆經年濶別委曲徐陳弟見一舍親流落在彼贈銀五十兩還有壯士白飛鳶與石有光一在樊城市上籠著人熊一在博望山邊手搏猛虎我俱出銀買放他今隨弟來府情願服役聽差

喜還京埋沒風塵這雄心消磨殆盡深憐他意氣如雲無遮隱特收來尊府分任休苛責把英才棄擯

生阿張兄此舉贈銀救急提攜親戚一善也買物放生恩及禽獸二善也收用二士使他不入匪類

三善也。兄有此三善，好不令人欽仰。

一封書親逢客路貧，不是君誰肯認。檢囊送與銀，況又買熊虎博施恩。收得奇英門下用，還使山林猛獸馴。我思君義與仁，半似馮驩爲主人。

雜扮院子領上小官人。這俚來老旦驚看樓閣連雲起，作旦好玩圖書滿架陳。爹爹孩兒拜揖，老旦相公萬福。武到來何事？老旦老身奉大娘之命，特領官人到來探望信息。武有勞媽媽孩兒過來見了伯伯，作旦揖介。老旦大爺老身叩頭，生不敢院

子你同了媽媽內堂去見大娘。雜引導還須我老旦相隨到內堂，同下。生張兄聞得你令郎年方七歲，有如此長大，這也難得。

桂枝香 你看他性兒聰敏，顏兒溫潤，這般目秀眉清，怕不是非常英雋。我知他後日，知他後日，定把家聲振麒麟，骨相不猶人。你看萬里占鵬路，三層躍禹門。

我看令郎相貌異日高飛，可以預賀武深蒙獎譽，但恐豚犬不能亢宗耳。繼良爲父去後，家中可平安麼？作旦家中平安，只因爹爹羈旅他方，母親時

三星圖 二集 時望念特叫孩兒來此探望的

解三醒念江湖怒濤如噴愁客路歸期莫問病軀輾
轉常多悶。幸得爹爹呵。旋行李解征氛。勸你暫為交
簿拋身去。好賞輕舟到石門。免母親候音信。遙遙盼
望。蹙著眉痕。

武兒噪為父今日纔到一時不能脫身你且同了
乳母先自回去罷。作日是生張兄今日天色已晚
令郎且在舍間暫宿一宵明日去罷弟內堂有事
恕不陪了。武繼良伯父既然相留你隨了伯父到

內堂拜見伯母。作旦孩兒曉得生桓家英物何須
試。作旦李氏龍門正喜登同下武笑介幾時不見
孩兒忽然長大如許看他相貌日後似有可望只
是我為父的悔卻從前與那秀驚看二處介與那
秀蓮一事把清白之身污了一點。

掉角兒序既不為漁郎問津怎被他桃花點鬢既不
如書生夢梅怎折他柳枝酬韻。想什麼抱舊衾擁寒
榻。種玉田產珠寶添箇兒。如豚悔這番點污清白乖
舛彝倫免不過神威赫赫天怒焯焯。

我想淫污之惡，報應不爽，但願皇天降殃，止及我身，還好。

安樂神犯便使我身蹈白刃，荒山埋骨，野火飛燐，只

要把風流有孽，散如雲，也不怕殘生受罪，磨如粉，願

天公報應分明，劃不將陰譴累後人，那繼良尚望護

佑休教一世身名窘，雖則我鮮培植，多侵損，風非和

暖日非溫，終望他生寒谷，發幽氛，蘭自芬芳，芝自薰

二犯傍妝臺，煞愛我已把陰陽損，沉沉此恨向誰論

最難堪是蕙帳風清，候燈落到黃昏，寸心迸出千重

恨五夜難消一枕魂，只愁天譴禍貽子孫，何日把一

椿孽案早沉淪。

下

評曰：秋宵一狎，悔及終身，畏及兒孫，張炳此念，即

可叫侍花女，以楊枝水洗之矣。若夫人種不可失，

累騎相追之阮咸，應入犁泥地獄。

人間陰譴莫如淫，想到兒孫痛更深。

若使長卿知此意，臨邛早已悔挑琴。

壽